

17.2.2025

Fatnasa registreren Detnui guolástusgeavahussii

Guolástettiin Deanu váldoalis, fuolakeahtá fatnasa sturrodagas, oažžu geavahit dušše fatnasa man Lappi EJB-guovddáš lea registreren ovdal jagi 2021 dahje Deanu guolledoalloguovlu lea registreren jagi 2021 áigge dahje dan maŋŋá. Dán várás lea ráhkaduvvon registtardovddaldagat, mainna lea riikkaviidosas fanasregisttarnummira lassin suopmelaš fatnasa mearkan FIN-dovddaldat. Registtardovddalgaid oačču seammás go fanas registrerejuvvo.

Fatnasiid sáhtá registeret čuovvovaš vugiid mielde:

Deanu čázadaga johkaleagis fásta ássit geainna lea guolástanvuoigatvuohta ožžot registreret eanemustá golbma fatnasa. Deanu čázadaga johkaleagis fásta ássit geainna lea guolástanvuoigatvuohta ja geat fitnošit turismaealáhusa ožžot registreret eanemustá 15 fatnasa. Eará Deanu čázadaga johkaleagis fásta ássi guolásteaddjit ožžot registreret eanemustá ovttá fatnasa. Olgobáikegottalaš guolástanvuoigatvuođa hálddašeaddjit ožžot registeret ovttá fatnasa eanasaji guovdu.

Fatnasa oamasteaddji galgá čájehit čielggadusa fatnasa registreremiid guoski áššiin.

Deanu čázadaga fanasregisttarii registrerejuvvon ja Deanu regisstardovddaldagain spesiferejuvvon fatnasa ii oaččo geavahit Deanu čázadaga olggobealde. Registtargalbba sirdin ja geavaheapmi eará sajis go registrerejuvvon fatnasis lea gildojuvvon ja dan duššamis dahje jávkamis galgá almmuhit dalán Deanu guolledoalloguovlui báikkálaš lobiid vuovdinbáikái Ohcejogas (Traficom). Juos fatnasa oamasteddji ii šat deavdde fatnasa registrerema eavttuid fatnasa galgá sihkkut eret registtaris ja registtargalbba galgá ájikeahtá mahcahit Deanu guolledoalloguovlui.

Deanu guolástusgeavahussii oavvilduvvon fatnasat registrejuvvojit Deanu guolledoalloguovllu báikkálaš lobiid vuovdinbáikkis Ohcejogas, adreassa Luossa 1 (gielddadállu).

Fatnasiid sáhtá registeret dušše guollebivdoáigge.

Deanu fanasregisttara bajásdoallá Traficom, muhto registeremis ja fanasdoddaldagain vástida Deanu guolledoalloguovlu.

Lassedieđuid fatnasiid registeremis gávnnat Traficom sidduin:
<https://www.traficom.fi/fi/liikenne/veneilijalle>